

# Entropia y cosmoscopia

L'Istitut Ladin Micurá de Rù y l'EPL-Ert por i Ladins mèt da jí ince por chësc isté na ligna de mostres d'ert. La pröma esposiziun ará desco protagonista la fotografia



*N laur porom di cater artisć Georg Erlacher, Claus Soraperra, Gustav Willeit y Egon Rusina.*

Ert - Georg Erlacher, Claus Soraperra, Egon Rusina y Gustav Willeit - chisc é i inoms di cater artisć che mèt fora en chësc isté sü laurs al publich. Trëi mostres sará da odëi tl Istitut Ladin a San Martin de Tor, öna - chëra de Gustav Willeit - tla Lia mostra d'ert a Urtijëi/Gherdëna.

Ince en chësc ann vëgnel indô

organisé deplü mostres tl Istitut Ladin Micurá de Rù a San Martin de Tor y a Urtijëi: trëi vëgn metüdes da jí dal Istitut Ladin y dal'EPL – Ert por i Ladins y öna vëgn organisada en colaboraziun cun la Lia mostra d'ert a Urtijëi.

La pröma, chëra dal titul „Derevers“ de Georg Erlacher, vëgn inaudada ai 15 de messé; por Georg

Erlacher él na sort de debut espositif te süa Val Badia, do na mostra garatada a Desproch, cun ajuntada la presentaziun de n catalogh dles fotografies plü artistiches y comunicatives. Dai 5 d'agost inant pón spo amiré a San Martin de Tor i laurs dl artist y pluritalënt fascian Claus Soraperra tla mostra „Ladinoentropia“.

I atri dui apuntamënc sön program é d'altonn. La terza mostra dal titul „Ghialar“ de Egon Rusina vëgn daurida ai 21 d'otober. La mostra de Gustav Willeit „0616“ sará da odëi tl salf dla Lia mostra d'ert dai 16 de setëmber inant. „La ligna de mostres che vëgn presentades ó mostré sö la varieté dles espresciuns artistiches dles

valades ladines“, nes cunta la curadëssa de chësc program espositif Katharina Moling.

Na novité en chësc ann é ince la dorada dles mostres: ares ne sará nia davertes ma plü 10 dis, mo bëgn bun chinesc dis. Les mostres sará davertes vigni de, danmisdé y domisdé, cun ezeziun dla domënia cun orar dales 10:00 ales 12:00. (ir)